

# И. СТАЛИН

ГУРТЫН УЖАН  
СЯРЫСЬ



УДМУРТСКОЙ КНИЖНОЙ ИЗДАТЕЛЬСТВО  
ИЖЕВСК — 1955

1911

12

Удмур.

12-888

*Бань странаосысь пролетарийёс, огазеяське!*

# И. СТАЛИН

## ГУРТЫН УЖАН СЯРЫСЬ

*ВКП(б)-лэн ЦК-езлэн но ЦКК-езлэн  
ОГЪЯ ПЛЕНУМАЗЫ ВЕРАМЕЗ*

*1933 арын 11 январе*

УДМУРТСКОЙ КНИЖНОЙ ИЗДАТЕЛЬСТВО  
ИЖЕВСК — 1955

*И. Сталин*  
О РАБОТЕ В ДЕРЕВНЕ

На удмуртском языке



№П13586. Сдано в набор 8/XII—1955 г. Подписано к печати 14/XII—55 г. Печатных листов 0,82. Уч.-изд. листов 0,76. Тираж 4000 экз. Заказ № 7977. Бумага 84×108<sup>1</sup>/<sub>3</sub>. Цена 20 к.

---

Типография Министерства культуры УАССР, г. Ижевск,  
Пастухова, 13.

Эшгъёс! Мон малнасько, гуртын партийной уждэн мы-  
нэмез сярысь, солэн тырмымтэосыз, солэн азинскемез,—  
гужгес ик тырмымтэосыз сярысь, ораторгъёс шонер вера-  
зы шуыса. Озы ке но, мон сямен, соос өз вералэ гуртын  
ужаммылэн тырмымтэосыз пöлысь самой главнойзэ, өз  
шараялэ со тырмымтэослэсь ма бордысь потэмзэс. Нош  
ужпумез та ласянь эскерон асьмелы тужгес но кулэ луэ.  
Соин ик мон малнасько гуртын ужаммылэн тырмымтэ-  
осыз сярысь вераны, сое большевикгъёс сямен, меёак но  
шонер вераны.

Ма бордын вал асьмелэн берло арын, 1932 арын, гур-  
тын ужаммылэн главной тырмымтэез?

Государстволы нянь сётон ужгъёсмы туэ, кылем арын  
сярысь, 1931 арын сярысь, бадзымесь шуг-секутгъёсын  
ортчизы. Со бордын луиз главноез тырмымтэмы.

Сое ю-няньлэн ляб удалтэменыз валэктыны нокузыы  
но уг луы, малы ке шуоно, туэ юосмы лябесь ой вал, кы-  
лем арын сярысь, соос унолы жечгес удалтйзы. Коть-  
кинлы тодмо, 1931 арын СССР-лэн Северо-Востокезлэн  
вить районгъёсаз куазь көс улэмён странамы нянь ичи-  
гес люказ. Нош 1932 арын, 1931 арын сярысь, нянь  
тросгес люкамын. Кубань но Терек котырын, озы ик  
Украиналэн куд-ог районгъёсаз куазь урод улэмен ю  
октон-калтон дыргя куд-ог ыштонгъёс луизы ке но, со  
ыштонгъёс СССР-лэн северо-восточной районгъёсаз көс ар-  
луэмен герзаськем ыштонгъёслэн жыны локетсылы но уг  
ёшало. Озы бере, 1932 арын странаымы няньмы, 1931  
арын сярысь, унолы тросгес вал. Озы ке но, 1932 арын  
государстволы нянь сётон ужгъёс, кылем арын сярысь.  
трослы секытгес ортчизы.

Ма бордын ужпум? Ма бордын асьме ужмылэн тыр-  
мымтэосыз? Маин валэктыны луэ та тупамтэез?

1) Сое нырысь ик валэктыны луэ интыосын ужась эшгъ-

ёсмылэн, гургъёсын ужась эшъёсмылэн, колхозной нянен вузкарон ялэмен гуртын кылдэм выль югдурез тырмыт лыдэ басьтымтэенызы но сое валамтэенызы. Чапак выль кылдэм югдурез лыдэ басьтымтэенызы сэрен соос асьсэлэсь ужзэс выль югдур кулэ каремъя, выль сямен радъяны өз быгатэ. Колхозной нянен вузкарон вылымтэдыръя, няньлы государственной но базар дунъёс вылымтэдыръя,— гуртын югдур мукет вал. Колхозной нянен вузкарон ялэм бере гуртын югдур жотрак воштйськыны кулэ вал, малы ке шуоно, колхозной нянен вузкарыны лэзён — со луэ нянез, государствоен тупатэм дунъёс сярысь, выль дунъёсын шара вузаны лэзён. Веранэз өвёл, та югдур крестьянинлы луонлык кылдытйз государственвогы нянь сётонлэсь возькыны. Крестьяниц тазы малпалляз: «колхозной нянен вузкарон ялэмын, нянез шара вузаны луэ, рынокин, сомында ик нянь вузаса, мон, государстволы сётон дыръя сярысь, коньдон тросгес басьтыны быгатйсько,— озы бере, мон визьтэм ке өвёл, нянез возыныгес кулэ, государстволы сое öжытгес сётано, колхозной вузкаронэ тросгес кельтоно но, тйни озы, сомында ик нянь вузаса, тросгес коньдон поттоно».

Самой огшоры но валамон малпан!

Нош ужпумлэн уродэз со бордын: асьмелэн гуртысь ужасьёсмы, ваньмыз ке өвёл, соос пöлысь туж тросэз, өз валалэ на таёе огшоры но валамон маеке. Советской властен сётэм заданиосты быдэстон понна коммунистёс, таёе выль югдур кылдэм бере, кулэ вал ю-нянь октонкалтонлэн нырысетй нуналъёсаз ик,— 1932 арлэн июль толэяз ик,— государстволы нянь сётонэз жегатскытэк но дыраз быдэстон понна нюръяськыны. Сое кулэ каре вал кылдэм югдур. Нош мар лэсьтйзы соос уж вылын? Государстволы нянь сётонэз күжмоятэм интые, соос колхозъёсын юнме пöртэм фондъёс кылдытяны кутскизы, соин сэрен государстволы нянь сётано муртъёслы няньзэс сётэмысь возькыны луонлык кылдйз. Выль обстановкаез валатэк, сёос крестьянъёслэн нянь сётэмлэсь возькеменызы государстволы нянь сётон ужын шуг-секутыёс кылдыны быгатозы шуыса өз кышкалэ, соос кышканы кутскизы, крестьянъёслэн асьсэлэсь няньзэс колхозной рынокин вузан понна шыръяны тодазы уз лыкты, соос кутскозы но, утёд ке, вань няньзэс государственной элеваторъёсы келяны шедьтозы шуыса.

Мукет сямен вераса, асьмелэн гуртъёсысь коммунистёсмы, ваньмыз ке өвёл, соос пöлысь тросэз, колхоз-

ной нянен вузкаронэз пайда сётэмез ласянь гинэ валазы, валазы но лыдэ басьтйзы солэсь умой луэмзэ гинэ, нош чик оз валалэ, лыдэ но оз басьтэ колхозной нянен вузкаронлэсь мукет палзэ,— тырмыт оз валалэ, соос, коммунистъёс, ю-нянез октон-калтонлэн нырысетй нуналъёс аз ик госуларствоны нянь сётонэн оз ке дыртытэ, колхозной нянен вузкарон госуларствоны туж бадзымесь шуг-секытъёс кылдытыны быгатоз шуыса.

Та ласянь колхозъёсын ужась эшъёс гинэ оз янгышала. Озы ик янгышазы совхозъёслэн директоръёссы но, кинъёс госуларствоны сётано нянез преступно жегатйзы но сое выль дунын палэнэ вузаны кутскизы.

Колхозной вузкаронэз паськытатон сярысь<sup>1</sup> тодмо постановленизэс кутыкузы Совнарком но ЦК лыдэ басьтйзы-а колхозной нянен вузкаронэн валче кылдэм та выль югдурез? Бен, лыдэ басьтйзы. Со постановлениын мёчак верамын, колхозной нянен вузкаронэз соку гинэ вёлмытыны луоз шуыса, ку быдэсак но тырмыт быдэстэмын луоз госуларствоны нянь сётон план но дасямын луоз ю кидыс. Отын мёчак верамын, госуларствоны нянь сётон планэз быдэстэм бере но ю кидыс тырмыт дасям бере гинэ, 1933 аре ог 15-тй январь котырын гинэ,— та условиосты быдэстэм бере гинэ, колхозной нянен вузкарон борды кутскины луоз шуыса. Совнарком но ЦК та постановлениын асьме гуртъёсын ужасьёсмылы веразы кадь: пёртэм фондтёс но запасъёс кылдытъяса, главной уждэс эи вунэтэ, ю-няньёсты октон-калтон кутскем бере нырысетй нуналъёсы ик госуларствоны нянь сётон планэз быдэстон борды кутске но жоггес быдэстыны тырше, малы ке шуоно, колхозъёслэн нырысетйез ужзы — госуларствоны нянь сётон планэз быдэстон, кыкетйез — тырмыт кидыс дасян, та ужъёсты дыраз но умой быдэстэм бере гинэ луоз колхозной нянен вузкаронэз вёлмытыны.

ЦК-лэн Политбюроезлэн но Совнаркомлэн янгышсы со бордын гинэ: соос асьсэ решениязы ужпумез та ласянь нимаз висъяса оз пусъе, шёдске, но гуртъёсын ужась эшъёсмес кулэезъя зол оз алэ, колхозной нянен вузкарон кышкытлык кылдытоз шуыса. Нош та кышкытлыкъёс сярысь верамын вал, умой но мёчак верамын вал шуыса,— созэ ини нокытчы уд ваты. Шонер верано луоз, ЦК но Совнарком конялы ке мултэс дунъязы интыосысь но тросэзлэсь областьёсысь ужасьёсмылэсь ленинской закалказэс но азыпала адзйны быгатэмзэс.

Колхозной нянен вузкарон ялыны уг яра на вал ке

шат? Со янгыш луэ вал ке шат, тужгес ик қолхозной нянен вузкаронлэсь пайдаё луэмзэ сяна, шуг-секытьёс кылдытыны быгатэмзэ лыдэ басьтоно ке?

Өвёл, со янгыш ой вал. Қотықуд революционной ужрад куд-ог кулэтэм учыртьёсы вуттыны быгатэ, сое умойтэм ортчытоно ке. Озы ик вераны луоз колхозной нянен вузкарон сярись но. Колхозной нянен вузкарон кулэ но пайдаё луэ городлы но гуртлы но, рабочей класслы но крестьянстволы но. Чапак пайдаё луэменыз ик колхозной нянен вузкарон ялопо вал.

Маин кивалтьськызы Совнарком но ЦК колхозной нянен вузкарон ялыкузы?

Нырысь ик, соос кивалтьськызы тани маин: город но гурт куспын вузьёсын вошъяськонэз паськытатано но городын ужаса улйсьёслы тырмыт сион-юон продуктёс сётоно, нош крестьянтьёслы городысь промышленной вузьёс сётоно вал. Веранэз ик өвёл, одйг государственной но кооперативной вузкарон гинэ со понна тырмыт уг луы. Город но гурт куспын вузьёсын вошъяськон со өртьёс борды ватсано вал выль өр — колхозной вузкарон. Но со өртьёсты ми паськытатймы, колхозной вузкарон ялыса.

Собере соос кивалтьськызы тани маин: колхозной нянен вузкарон вамен колхозниклэсь доходзэ ватсаны луонлык кылдытоно но солэсь экономической улонзэ юматано вал.

Бератаз, соос кивалтьськызы тани маин: колхозной нянен вузкарон ялыса, крестьянинлы выль луонлыктьёс кылдытоно вал колхозьёслэсь ужьёссэс умятыны ю кизён но ю-нянез октон-калтон удысьёсын.

Тй тодйськоды, Совнаркомлэн но ЦК-лэн вань та малпантьёссы быдэсак юмазы берло дыре колхозной улоньсь ужьёсын. Колхозьёсты юматонэз кужмятон, колхозьёссысь потэмысь дугдон, единоличниктьёслэн колхозьёсы пырыны мылкыд каремзылэн будэмез, колхозниктьёслэн выль членъёсты чакласа кутыны тыршемзы, — вапмыз со но мукетъёсыз та выллем ужьёс асьсэ понна асьсэос верало, колхозной нянен вузкарон лябомытэм гинэ өвёл, колхозьёсты юматон но кужмятон удысын бадзым юрттэт сётйз шуыса.

Озы бере, гуртын ужмылэсь тырмытэоссэ колхозной нянен вузкаронэн валэктыны уг луы, со тырмытэос потэмын ужез умой нуымтэен, выль югдурез лыдэ бась-



тыны быгатымтэен, колхозной нянен вузкарон ялэмен валче кылдэм выль условносья ас ужмес радъямтэен.

2) Гуртын ужаммылэсь тырмымтэоссэ озьы ик валктыны луэ интыосын ужась эшгёсмылэн,— озьы ик мукетгёсызлэн но,— нянь будэтись районгёсын колхозгёслэн валтись инты басьтэменызы гуртын ужан условнослэсь воштгёскемзэс валамтэенызы. Асьмеос ваньмы туж шумпотгёском, нянь будэтись районгёсама хозяйствовлэн выль колхозной формаез основной форма луиз шуыса. Озьы ке но, тросэз тырмыт уг валало на, та ужоугур уг кулэсты, нош унолы будэтэ сельской хозяйстволэн азинскемез понна асьмелэсь сюлмаськонмес. Тросэз тазы малпало: сокем жог азинконгёс басьтгём бере, кылсярись, таяз яке мукетаз району, таяз яке мукетаз областын коллективизация 70—80 процентозь вуиз ни бере, ваньмыз дась ини, табере асьмеос ужез асэрказ лэзыны быгатгёском, коллективизация ачиз аслэстыз ужгёссэ быдэстоз, ачиз сельской хозяйствоез жугоз. Со туж пидло йыромон луэ, эшгёс. Уж вылын со озьы өвөл. Основной форма луись коллективной хозяйство борды выжон асьмелэсь сельской хозяйство понна сюлмаськонмес уг кулэсты, нош уката будэтэме кулэ каре, сельской хозяйствоез жугон ужын коммунистгёслэсь кивалтгёсь рользэс уг кулэсты, нош уката будэтэ. Сельской хозяйствоез жугтон но азинтон ужгёсты асэрказы лэзэн али туж баджым кышкытлык кылдытэ. Асэрказ лэзем уж али самой зеч уजेз куашкатыны быгатэ.

Гуртын векчи единоличной хозяйствоос тросгем вылэм дырдя партия сельской хозяйствоен кивалтоназ кудог юртгэт сётонгёсын, валэктэмен яке алэмен тырмытскыны быгатылгёс. Соку единоличник аслаз хозяйствоез понна ачиз сюлмаськоно луылгёс, малы ке шуоно, та хозяйствоез понна ответственностез со нокин вылэ погылыны уг быгаты вал, со угось аслаз личной хозяйствоез луэ вал, озьыен, ачиз вылэ сяна, со нокин вылэ чөлскыны өз быгатылы. Няньтэк кылемез но сютэк улыса кулэмез уг поты ке, со ачиз сюлмаськоно луылгёс кизгён сярись но, ю октон-калтон сярись но, огья вераса, вань мукет сельскохозяйственной ужгёсты быдэстон сярись но. Коллективной хозяйствоосы выжемен ужпум чутрак воштгёскиз. Колхоз единоличной хозяйство өвөл. Колхозникгёс табере озьы ик верало: «колхоз мынам но, өвөл но, со мынам, нош со дыре ик со Иванлэн, Филипп-

лэн, Михаиллэн но мукетъёсызлэн колхозникъёслэн, колхоз огъя». Табере со, колхозник, толло единоличник но туалла коллективист,— табере со тодэ, колхоз сое няньтэк уз кельты, соин ик со ас ужзэ колхозлэн мукет членъёсыз вылэ погыльтыны, соос вылэ чӧлскыны быгатэ. Соин ик солэн, колхозниклэн, малпанъёсыз, нимаз хозяйствовын сярысь, кулэмизы, малы ке шуоно, табере хозяйстволэн жутскемез но юнмамез понна сюлмаськон вань колхозникъёс куспын люкылэмын.

Бен мае со возьматэ? Со тани мае возьматэ: хозяйствовен кивалтонъя вань ответственность нимаз крестьянъёс вылысь табере выжиз колхозлэн кивалтйсьёсыз вылэ, колхозлэн кивалтйсь ядроз вылэ. Табере крестьянъёс, асьсэлэсь өвӧл, колхозлэн кивалтйсьёсызлэсь куро колхозной хозяйство понна сюлмаськыны но ужен визьмо кивалтыны, яке шонергес вераса, асьсэос сокем уг сюлмасько, макем колхозлэн кивалтйсьёсызлэсь сюлмаськемзэс куро. Нош мае со возьматэ? Со возьматэ, сельской хозяйстволэсь азинконзэ куд-ог дыръя эскеремен гинэ партия табере тырмытскыны уг быгаты ни. Партия колхозъёсын кивалтон ужез табере ас кияз басьгоно луэ, колхозъёслэн ужъёсы понна ответ сётоно луэ но колхозникъёслы асьсэлэсь хозяйствозэс наукалэн но техникалэн кӧсэмзыя нуыны юртгоно луэ.

Нош со но ваньмыз өвӧл на. Колхоз — бадӟым хозяйство, нош бадӟым хозяйствозе плантэк нуыны уг луы. Музьем ужанъя бадӟым хозяйство, кудйз сю, нош куд-ог дыръя сюрс коркаосты огазея, плановой кивалтонъя гинэ ужаны быгатэ. Сотэк со одно ик быроз, куашкалоз. Тани тйледлы колхозной строен кылдытэм выль югдур, нимаз пичи хозяйствовен кивалтон югдурлэсь чылкак мукет луйсь одйгез югдур. Сыӵе бадӟым хозяйствовен кивалтон ужез луэ-а асӵерказ лэзьыны? Валамон ини, уг луы. Сыӵе бадӟым хозяйствовен кивалтон понна колхозъёсын оҗыт ке но, кӧня ке но дышетскем муртӵёс кулэ, кудъёсыз хозяйствозе планировать карышы но радъызъя нуыны быгато. Валамон ини, Советской властлэн колхозной лэсьтйськон ужъёсын нуналмысь кивалтэмезтэк, солэн нуналмысь юрттэмезтэк сыӵе бадӟым хозяйстволэсь ужзэ радъяны уг луы.

Нош со мае возьматэ? Со возьматэ, колхозной строй партилэсь но правительстволэсь сельской хозяйствозе азинтон понна сюлмаськонзэс но ответственностьсэс уг

кулэсты, нош унолы будэтэ шуыса. Со возматэ, партия, колхозной движеніен кивалтэмез потэ ке, колхозной улонлэсь но колхозьёсын кивалтонлэсь вань ужпумъёссэ тодыны кулэ шуыса. Со возматэ, партия колхозьёсын кушыл возёнъёссэ кулэстоно өвёл, нош уката кужмоятоно луэ шуыса, колхозьёс сярысь ваньзэ тодыны кулэ шуыса, зэмос юрттэт сётон но колхозьёсты куашкан калэ вуттыны быгатісь учыръёслэсь утён понна.

Нош мае адзиськом асьмеос уж вылын? Уж вылын тани мае адзиськом: тросэз районной но областной организациос колхозной улонлэн палэназ, соослэсь куронъёссэс тодытэк удо. Пуко соос канцеляриосын но, бадзым уж лэсьтиськом кожаса, пероенызы чыкырто. Соос уг шодыло, колхозьёс соослэн бюрократической канцеляриоссылэн палэназы азинско шуыса. Куд-ог учыръёсы колхоз ужъёслэсь палэискон сокем кыдёке вуыліз, краевой организациослэн членъёссы асьсэ краязы пырись колхозьёслэн ужъёссы сярысь районной организациослэсь өз тодылэ, нош тодылызы Москваын ЦК-лэн членъёсылэсь. Со туж умойтэм ке но, со озы, эшъёс. Векчи хозяйствоосысь колхозьёсы выжонэн валче гуртъёсын коммунистъёслэн кивалтон ужзы кужмояны кулэ вал. Нош уж вылын та выжонэн валче коммунистъёс, коллективизацилэн бадзым процентэныз буйгатскыса, гань-гань улызы но колхозной ужез асэрказ лэзизы, уж ачиз быдэсмоз шуыса малпазы. Колхозной хозяйствоен плановой кивалтон ужпум колхозьёсын коммунистъёслэсь кивалтись рользэс жытыны кулэ вал. Нош уж вылын коммунистъёс колхоз ужъёслэн палэназы кылизы, нош колхозьёсын азьло тоды офицеръёс, азьло петлюровецъёс но ужаса улысьёслэн пöртэм тушмонъёссы кузёяскизы.

Тйни со бордын луэ асьмелэн гуртын ужаммылэн тырмымтээслэн кыкетй мугез.

3) Куинетйез асьмелэн гуртын ужаммылэн тырмымтээз тани ма бордын луэ: асьмелэн тросэз эшъёсмы колхозез — хозяйстволэсь выль формаез, мултэс дунъязы но соос шоры мыдор шоры кадь учкыны кутскизы. Соос малпазы, колхозьёс социалистической хозяйстволэн выль формаез луо бере,— озыец, ваньмыз дась ини, колхозьёслэн ужъёссы шонер мынозы, колхозной хозяйство шонер планировать каремын луоз, колхозьёс асьсэос туж умой социалистической хозяйстволы пöрмозы. Соос өз валалэ на, колхозьёс организационно юнман ласянь али

но лябесь на но, кызы ке уж вылын эскерем большевистской кадрѣсты сѣтон ласянь, озы ик колхозной ужъёсын нуналмысь кивалтон ласянь партилэсь серьёзной юрттэт сѣтэмзэ кулэ каро на шуыса. Нош со ваньмыз ѓвѓл на, со главноез но уг луы. Ужмылэн главной тырмымтѣез тани ма бордын: асьмелэн тросэз эщѣёсмы колхозъёслэсь, сельской хозяйствоез радъян выль формалэсь кужымзэс но луонлыкѣёссэ мултэс выль дунъязы. Соос ѓз валалэ, колхоз хозяйстволэн выль социалистической формаез ке но луэ,— со аспонназ ачиз гарантировать каремын ѓвѓл на пѓртѣм кышкыт учырѣёслэсь но колхозэн кивалтонэ котькыѣе пѓртѣм контрреволюционной элементѣёс шедьны быгатонлэсь, гарантировать каремын ѓвѓл куд-ог учырѣёсы колхозъёсты антисоветской элементѣёслэн асьсэ сьѓсь ужъёссэс быдѣстон понна уже кутыны быгатэмзылэсь.

Колхоз — хозяйственной организацилэн социалистической формаез, кызы Советѣс луо политической организацилэн социалистической формаез. Кызы ке колхозѣс озы ик Советѣс но асьме революцимылэн, асьме рабочей классмылэн туж бадъым вормонзы луо. Нош колхозѣс но Советѣс организацилэн формаез гинэ луо, социалистической ке но, организацилэн формаез гинэ. Ваньмыз со бордын, кыѣе пуштросэз луоз та формалэн.

Асьмеос тодѣськом сыѣе учырѣёсты, куке рабочей солдатской депутатѣёслэн Советѣёсы революцилы пумит контрреволюцилы юрттылѣзы. Озы вал асьмелэн, СССР-ын, кылсярысь, 1917 арын июль толзэе, Советѣёсын меньшевикѣёс но эсерѣёс кивалтыку, куке Советѣёс революцилы пумит контрреволюция понна дурбасьтылѣзы. Озы вал Германиын 1918 арлэн пумаз, Советѣёсын социалдемократѣёс кивалтыку, куке соос революцилы пумит контрреволюциез сайяллязы. Озыен, ужпум Советѣёс бордын, организацилэн формаез бордын гинэ ѓвѓл, ачиз со форма революцилэн бидъым вормонзэс ке но луэ. Ужпум. нырысь ик, Советѣёслэн ужамзы бордын, соослэн ужамзылэн пуштросэз бордын, ужпум со бордын, кин кивалтэ Советѣёслэн ужѣёсынызы,— революционерѣёс-а, контрреволюционерѣёс-а. Бен соин ик валэктыны но луэ контрреволюционерѣёслэсь куд-ог дырѣя Советѣёс пала дурбастэмзэс. Кылсярысь, зуч контрреволюцилэн йырыз Милюков Кронштадтской восстание<sup>2</sup> дырѣя Советѣёс понна дурбасьтылѣз, но коммунистѣёстѣм Советѣёс понна.

«Коммунистѣстэм Советѣс» — сыѣ вал соку зуч контр-революцилэн кивалтїсезлэн Милоковлэн лозунгез. Контрреволюционерѣс валазы, ужпум Советѣс бордын гинэ өвөл шуыса, ужпум нырысь ик со бордын, кин кивалтоз Советѣслэн ужѣсынызы.

Озы ик вераны луоз колхозѣс сярись но. Қолхозѣс, хозяйствоез радъянлэн виль социалистической формаез лубса, хозяйственной лэсътїськонын паймымон вормонѣс басытыны быгато, соосын зэмос революционерѣс. большевикѣс, коммунистѣс кивалто ке. Но, солы пумит, — колхозѣс огдырлы котькыѣ пөртэм контрреволюционной ужѣсты ортчытон сайетлы пөрмыны быгато, колхозэн кивалтонэ эсерѣс но меньшевикѣс, петлюровской офицерѣс но мукет белогвардеецѣс, деникинецѣс но колчаковецѣс чуртнасько ке. Соин валче тани мае лыдэ басытоно луэ: колхозѣс организацилэн виль формаез ке но луо, соосты антисоветской элементѣс чуртнаськемлэсь гарантировать карыны уг луы, солэсь ортчыт, колхозѣс контрреволюционерѣслы огдырлы сайяськыны куд-ог ласянь умой инты луо. Крестьянѣс асьсэлэн ни-маз хозяйствоосазы ужан дырґя ог-огзылэсь висьяськемын вал, пимазы улїзы, соин ик советской властїлэн тушмонѣссызлэн крестьянѣс пөлын контрреволюционной уж нуэмзы бадзїм пайда өз сетылы. Нош крестьянѣслэн коллективной хозяйствоосы выжемзы бере югдур чылкак воштїськиз. Қолхозѣс табере вань крестьянѣсты огазеляны дась форма луо. Соин ик Советской властїлэн тушмонѣссызлэн колхозѣсы чуртнаськемзы но отын соослэн сөбсь уж нуэмзы тушмонѣс понна пайдаөгес луыны быгатэ. Малпано луэ, ваньзэ сое Советской властїлэн тушмонѣссыз лыдэ басытытэк уг кельто. Тодмо ини, куд-огґысыз контрреволюционерѣс, кылсярысь, Северной Кавказын, асьсэос колхоз выллем маке кылдытыны тыршо асьсэлэсь подпольной организациоссэс синпөбетэн сайян понна. Озы ик тодмо, куд-ог районѣсысь шараяны но быдтыны вуымтэ антисоветской элементѣс асьсэос колхозѣсы пырыны мылкыд каро, ъем дырґя колхозѣсты ушьяло колхозын асьсэлы контрреволюционной уж нуон нузкар кылдытон понна. Озы ик тодмо соиз но: антисоветской элементѣс пөлысь оглюкетэз табере ачиз колхозѣс пала дурбасьтэ, нош сыѣ колхозѣс понна дурбасьтэ, кытын коммунистѣс луыны кулэ өвөл. «Коммунистѣстэм колхозѣс» — тїни кыѣ лозунг борды кыр-

мисько табере Советской властьлэн тушмонъёсыз. Озыен, ужпум колхозъёслэн виль социалистической формазы бордын гинэ ёвёл, ужпум, нырысь ик, та формалэн пуштросэз бордын,— ужпум, нырысь ик, со бордын,— кинъёс колхозъёсын кузёясько но кинъёс соослэн кивалтйсьёсы луо.

Ленинизм дышетэмъя, колхозъёс, Советъёс сямен ик, организацилы форма луыса, оружие луо, но оружие гинэ. Со оружиез куд-ог дыръя революцилы пумит но кутыны луэ. Сое контрреволюцилы пумит но кутыны луэ. Со юртыны быгатэ рабочей класслы но крестьянстволы. Куд-ог учырйёсы со юртыны быгатэ рабочей класслэн но крестьянстволэн тушмонъёсызлы. Вань ужпум со бордын, кин кыин со оружие но кинлы пумит со кутэмын.

Рабочей класслэн но крестьянстволэн тушмонъёссы сое классовой инстинктсыя валаны кутско ни.

Жаляса верано луэ, сое уг валало на куд-огъёсыз асьмелэн коммунистъёсмы.

Чапак куд-ог коммунистъёслэн таёе огшоры маеке валамтэенызы — чапак соин тросаз колхозъёсын кивалто Советской властьлэн лушкем тушмонъёсыз, отын вредить карыса но ужъёсты куашкатъяса.

4) Нылетйез, гуртын ужаммылесь тырмымтэоссэ ва лэктыны луэ интыысь тросэзлэн эшгъёсылэн кулачестволы пумит нюръяськон амалъёсты выльдыны быгатымтэенызы, берло дыре классовой тушмонлэн тусбуйыз воштйськиз шуыса, классовой тушмонлэн гуртын тактикаез воштйськиз шуыса, озы бере, вормон басытон понна асьмелы но тактикамес воштыны кулэ шуыса валамтэенызы. Тушмон валаз югурлэс воштйськемзэ, валаз гуртын виль стройлэсь кужымзэ: но юнлыксэ но, сое валаса, ужзэ виль сямен радъяз, аслэстыз тактиказэ воштйз,— колхозъёслы пумит шара нюръяськон интые, со съось ужзэ лушкемен быдэсьяны кутскиз. Нош асьмеос сое шодытэк кылим, виль югдурез ём валалэ но классовой тушмон шоры вуж сямен учкиськом, сое отысь утчаськом, кытын со кемалась ёвёл ни, кулачестволы пумит огшоры вуж тактикаен нюръяськиськом, нош со, вуж тактикамы, кемалась вужмиз ини.

Классовой тушмонэз колхозъёслэн палэназы утчало, со одно ик съось ымныро, бадзымесь пинё, зок чыртыё но кияз пычалэн луыны кулэ кожало. Утчало кулакъёсты сыгъеен, кычееен суредало вал соосты плакатъёсын. Нош

сыче кулакѣс музѣем вылын кемалась ѓвѓл ни. Али кулакѣс, подкулачникѣс но советской властьлэн тушмонѣсыз,—со ваньмыз сямен туж «лякыт», «востэм», «святой» кадь адямиос. Соосты колхозѣслэн палэназы утчано ѓвѓл, соос колхозѣсын ик пуко но отын кладовщикѣс, завхозѣс, счетоводѣс, секретарѣс но мукет лубыса джало. Соос ноку но уз шуэ — «колхозѣс кулэ ѓвѓл». Қыл вылын соос колхозѣс «понна», нош соос колхозѣсын сыче куашкатон но вредить карон уж нуо, колхозѣслы ваньмыз со секыт усѣз. Соос ноку но уз шуэ,— «государстволы нянь сѣтоно ѓвѓл». Қыл вылын соос государстволы нянь «сѣтон понна». Соос чеберьяскыса вераськыны «гинэ» выро но колхозлы дэмлало пудо вордонлы кулэ луэмезлэсь куинь пол тросгес нянь висьяны, страховой фондэ кулэ луэмезлэсь куинь пол тросгес нянь кельтыны но общественной питанилы котькуд ужасьлы нуналаз быдэн 6—10 фунт нянь висьяллыны но мукет. Валамон ини, сыче «фондѣс» кылдытэм бере но общественной питанилы сомында нянь висьяса, колхозлэн хозяйственной кужымез лябоме, нош государстволы сѣтыны нянь уг кыллы.

Сыче кескич тушмонэз тодман понна но солэсь чеберьяскыса вераськемѣссэ шараян понна революционной саклык кулэ, умой быгатыны кулэ солэсь тушмон ымнырзэ шараяны но колхозникѣс азын солэсь змос компрреволюционной ужзэ возьматыны. Нош трос-а асьмелэн гуртѣсын сыче ужез быдэстыны быгатїсь коммунистѣсмы? Сыче классовой тушмонѣсты шараям интые, коммунистѣс ѣем дырѣя асьсѣос тушмонлэн агитациезлы сѣтско но солэн быж йылаз ветло. Выль тус кутэм классовой тушмонэз тодманы но солэсь сьѓд ужѣссэ шараяны быгатымтѣенызы куд-огез асьмелэн эшѣсмы асьсѣдыз асьсѣос буйгатыны выро, табере кулакѣс, пе, дунне вылын ѓвѓл ни, нош класс луись кулачествоз быдтон политика нуэмен табере гуртын антисоветской элементѣс, пе, быдтѣмын ини, озы бере, «нейтральной» колхозѣс — большевистской но антисоветской но луисьтэм колхозѣс вань на шуыса шугъяскыны уг яра, соос асьсѣос, асэрказы Советской власть пала выжоно луозы. Нош со туж пыдло йыромон луэ, эшѣс. Кулакѣс пазьгемын, но соос кыдѣкын но быдтѣмын ѓвѓл на. Солэсь но ортыт,— соос кема возькыны быгатозы на. Коммунистѣс сюлмаськытэк но буйгатскыса улїзы ке, кулакѣс асьсѣос, асэрказы азинскемзыя шайгуэ пырозы шуыса малпа-

зы ке, нош «нейтральной» колхозъёс сярысь верано ке, соос дунне вылын өвёл, луыны но уг быгато. «Нейтральной» колхозъёс,— со сыче адямиослэн малпаса кылдытэмзы (уйвотамзы), кинъёслы син сётэмын номыр адзон-тэм понна. Асьме Советской странаемы али сокем кужмо классовой нюръяскон мынон дыръя «нейтральной» колхозъёслы инты уг кылы, сыче югдуре колхозъёс **яке** большевистской, **яке** антисоветской гинэ луыны быгато. Нош асьмеос соиныз яке мукетышыз колхозэн ум ке кивалтйське, со возматэ, отын Советской властылэн тушмонъёсыз кивалто шуыса. Отын номыр но осконтэмез өвёл.

5) Бератаз, гуртын ужаммылэн эшшо одйг тырмым-тэез вань на. Со, нырысь ик, луэ колхозъёсты лэсьтон ужын коммунистъёслэсь рользэс но ответственностьсэс кулэезъя дунъямтэ бордын но государстволы нянь сётон ужын коммунистъёслэсь рользэс но ответственностьсэс кулэезъя дунъямтэ бордын. Государстволы нянь сётонин пуг-секытёс кылдон дыръя коммунистъёс крестьянъёс вылэ чөлско но крестьянъёсты янгыш карыны туртто. Со чылкак умойтэм но, веранэз өвёл, бадзым янгыш. Крестьянъёс отын янгыш өвёл. Ответственность сярысь но янгышан сярысь вераськон мынэ ке, ответственность быдэсак усе коммунистъёс вылэ, нош ваньмаз янгыш луиськом — асьмеос гинэ, коммунистъёс.

Дунне вылын өвёл, ноку но ой вал на сыче кужмо но дано власть, кыче луэ асьмелэн, Советской властымы. Дунне вылын өвёл, ноку но ой вал на сыче кужмо но дано партия, кыче луэ асьмелэн коммунистической партиямы. Нокин но уг быгаты, уз но быгаты асьмелы люкетыны колхоз ужъёсмес озы пуктыны, кызы кулэ каро колхозъёслэн интересъёссы, государстволэн интересъёсыз. Нош асьмеос куд-ог дыръя колхоз ужъёсты ленизмлэн дышетэмезъя быдэстыны ум быгатйське на ке, чем дыръя трос бадзымесь, чидантэм янгышъёс лэсьтылйськом ке, кылсярысь, государстволы нянь сётон улысын, со понна асьмеос но асьмеос гинэ янгыш луиськом.

Асьмеос янгыш луиськом колхоз нянен вузкаронлэсь урод палзэ лыдэ бастымтэмы понна но соин валче трос янгышъёс лэсьтэммы понна.

Асьмеос янгыш луиськом тросэзлэн асьме партийной организациосмылэн колхоз ужъёслэсь палэнскемзы но



тань-гань ужамзы понна, вань колхоз ужъёсты асэрказ лэземзы понна.

**Асьмеос** янгыш луйськом тросэзлэн асьме эшгёслэн колхозез, массовой организацилэсь формаез, али но мултэс дунъямзы понна, ужпум колхозлэн формаез бордын гипэ өвёл, ужпум колхозын кивалтон уез ас киязы бастон но колхозъёсын кивалтоньсь антисоветской элементъёсты пешкытъян бордын луэ шуыса валамтэзы понна.

**Асьмеос** янгыш луйськом виль кылдэм югдурез шодытэк кылеммы понна но классовой тушмонлэсь виль тактикаез, лушкем ужаны кутскемзэ валамтэмы понна.

Юано луэ, малы со понна крестьянъёсты янгыше укытыны кулэ?

Мон туж трос колхозъёсты тодйсько, кудъёсыз жог азинско но жутско, государственной заданиосты дыраз быдэсьяло но хозяйствозэс нуналысь нуналэ пумен юнматэ. Мукет ласянь, мон тодйсько сыче колхозъёсты но, кудъёсыз азьмынйсь колхозъёсын артэ уло, огмында ю-пянь будэто, ужан условиоссы но огкадесъ,— озы ке но, соос чакмо но куашкало. Мар бордын солэн мугез? Мугез тани ма бордын: нырысетйосыныз колхозъёсын кивалто зэмс коммунистъёс; нош кыкетйосыныз кивалто пормостэм адямиос, зэм, соослэн кисыюсазы партбилетъёсы ке но вань, соос пормостэмъёс.

Юано луэ, малы со понна крестьянъёсты янгыше укытыны кулэ?

Коммунистъёслэсь рользэс но ответственностьзэс кулэезъя дунъямтэен асьме гуртын ужаммылэн тырмымтэосызлэсь мугзэс чем дыръя кулэтэм интыысь утчало, соин сэрен тырмымтэосмы палэнтэстэк кылэ.

Государстволы нянь сётон ужысь шуг-секытёслэсь мугзэс крестьянъёс пöлысь утчано өвёл, соосты асьме радъёсысь утчано. Угось власть асьме кийн, государственволэн кужыме асьме кийн, асьмеос колхозъёсын кивалтыны пуктэмын, асьмеос ик гуртын ужан понна но быдэсак ответственной луйськом.

Таёе главной мугъёс бордысь пото асьмелэн гуртын ужаммылэн тырмымтэосыз.

Малпаны луоз, мон тужгес мöзмыт суред возматй шуыса, асьмелэн гуртын ужанмылэн тырмымтэосыз гинэ вань шуыса. Конечно, со озы өвёл. Уж вылын учконо ке, асьмелэн гуртын ужаммылэн та тырмымтэосыныз артэ

трос бадзымесь, решающей вормонъёсмы но вань. Но мон вераськыны кутскыкум ик верай вал ини, мон асьмелэн вормон басьтэмъёсмы сярысь вераны ас азиям ужпум ой пукты, нош гуртын ужаммылэн тырмымтэосыз сярысь гинэ вераны басьтйськи шуыса.

Луоз-а та тырмымтэосмес палэнтны? Бен, одно ик луоз. Быгатомы-а асьмеос соосты матысь дыре палэнтны? Бен, одно ик быгатом. Со ласянь нокыче оскымтэ луыны уг быгаты.

Мон малпасько, МТС-ёслэн но совхозъёслэн политотдельёссы луо сыче решающей кужымъёс пöлысь одйез, кудъёсызлэн юрттэмзы улсын та тырмымтэосты туж вакчи дыр куспын палэнтны луоз. (К у ж м о, к е м а к и ч а п к о н ъ ё с.)

*„Правда” 17 №,  
1933 арын 17 январе*

*И. В. Сталин. Сочинениос,  
13 том, 216—233 стр.*


#### ПРИМЕЧАНИОС

<sup>1</sup> СССР-лэн Народной Комиссаръёсызлэн Советсылэн но ВКП(б)-лэн Центральной Комитетэзлэн «1932-тй арлэн урожай-ысьтыз нянь дасян план сярысь но колхоз нянеп вузкаронэз вöлмытон сярысь» 1932 арын 6-тй мае кутэм постановленизы, «Правда-лэн» 125 №-аз 7 мае 1932 арын печатламын.

<sup>2</sup> Вераськон мынэ Кронштадтын 1921 арын мартэ ортчем контр-революционной мятеж сярысь. Мятежен кивалтйзы эсеръёсын, меньшевикъёсын но иностранной государствоослэн представитель-ёсынызы герзаськем белогвардеецъёс.

ОЗ 1956 г.  
Акт № 256

Инв. № 2760



Дуныз 20 м.

6330 -

Удмур.  
2-888